

Groth, Klaus: Du brochst mi bet den Barg tohöch (1859)

- 1 Du brochst mi bet den Barg tohöch,
- 2 De Sünn de sack hendal:
- 3 Do säst du sachen, dat war Tid,
- 4 Un wennst di mit enmal.

- 5 Do stunn ik dar un seeg opt Holt
- 6 Grön inne Abendsünn,
- 7 Denn seeg ik langs den smallen Weg,
- 8 Dar gungst du ruhi hin.

- 9 Do weerst du weg, doch weer de Thorn
- 10 Noch smuck un blank to sehn;
- 11 Ik gung de anner Sid hendal:
- 12 Dar weer ik ganz alleen. –

- 13 Nös heff ik öfter Afsched nam' –
- 14 Gott weet, wa mennimal!
- 15 Min Hart dat is dar baben blēbn,
- 16 Süht vun den Barg hendal.

(Textopus: Du brochst mi bet den Barg tohöch. Abgerufen am 23.01.2026 von <https://www.textopus.de/poems/56544>)